

摘藻堂四庫全書薈要

集部

欽定四庫全書蒼要卷一萬八千九百九十八集部

御定佩文齋詠物詩選卷三百七十六

藥類

五言古

和紀叅軍服散得益

齊謝朓

金液稱九轉西山歌五色鍊質乃排雲濯景終不測雲
英亦可餌且駐義和力能令長卿卧暫故遇真識

憇郊園和約法師採藥

梁沈約

郭外三千畝欲以貨朝饘繁蔬既綺布密果亦星懸

採藥遊名山

陳劉剛

名山本鬱盤道士貴黃冠獨馭千年鶴來尋五色丸石
牀新溜乳金竈欲成丹定知無二價非復在長安

種藥

唐韋應物

好讀神農書多識藥艸名持縑購山客移蔣羅衆英不
改幽澗色宛如地生汲井既蒙澤插援亦扶傾陰頴
夕房歛陽條夏花明悅翫從茲始日夕繞庭行州民自

寡訟養閒非政成

山居新種花藥與道士同賦

唐錢起

自樂魚鳥性寧求農牧資淺深愛巖壑疏鑿盡幽竒
雨花相助好鶯鳴春艸時種蘭入山翠引葛上花枝
風露拆紅紫綠谿復映池新泉香杜若片石隱江籬
宛謂武陵洞潛應造化移杖策攜煙客滿袖掇芳蕤
蝴蝶舞留我仙雞閒傍籬但令黃精熟不慮韶光遲
笑指雲蘿逕樵人那得知

藥草

唐蘇拯

天子卹疲瘵坤靈奉其職年年濟世功貴賤相兼植因
產衆艸中所希采者識一枝當若神千金亦何直生草
不生藥無以彰土德生藥不生艸無以彰竒特國中在
臣賢民患憑藥力靈艸猶如此賢人豈多得

擬古寄何太卿

宋謝翱

世間賣藥翁出市恒騎虎謁來空山中恨不輒與語長
嘯歸無家獨指梧桐樹既指梧桐樹復採梧桐子持以

贈所思浩歌聊復爾

謝子靜寄端午藥煎

謝翺

麩桃弄朝煙舍蟲鍊百杵山人入藥籙搗日月逢午甘
酸雜衆味能生玉池乳頗憶越吟人性靜無所苦中年
白髮生寄以潤肺腑為謝山中人願結山中侶

採藥

元許謙

亭亭北山松宿藹深碧蒼根走虬龍巨幹蟠鐵石平
生棟梁具不受霜雪厄兔絲得所附裊裊掛千尺流脂

入九地千載化琥珀我欲掇其英俯仰費搜摘紅爐轉
丹砂石髓變金液但恐茫昧間圖驥不可索意長時苦
促雙鬢日夜白刀圭或可試習習在兩腋蓬萊三萬里
詎謂弱水隔他時來山中故老應不識

詠東漢高士封君達

元張雨

入山服黃連還鄉騎青牛借得五岳圖一去三千秋

題金華宗原常雙谿洗藥圖

明吳溥

洗藥臨谿頭水流谿尾香居人飲谿水百年躋壽康石

路曲盤蛇山花如錦黃日暮携藥歸香風滿衣裳

七言古

鋤藥詠

唐錢起

時藥穿林復在巘濃香秀色深能淺雲氣垂來裛露偏
松陰古處知春晚拂曙殘鶯百轉催縈泉帶石幾花開
不隨飛鳥緣枝去如笑幽人出谷來對之不覺忘疎嬾
廢卷荷鋤嫌日短豈無萱艸樹堦墀惜爾幽芳世所遺
但使芝蘭出蕭艾不辭手足皆胼胝寧學陶潛空嗜酒

顏齡捨此事東菑

採藥晚歸因宿野人草舍

宋文同

東巖陰深崖巘古夾澗垂泉結鸞乳我來採藥晚忘歸
試宿荆扉問雞黍春風滿林燈火冷一夜不眠山月苦
平明携策下青蒼松葉紛紛灑新雨

五言律

月下洗藥

唐錢起

汲井向新月分流入衆芳濕花低桂影翻葉靜泉光露

下添餘潤蜂驚引暗香
寄言養生客來此共提筐

清旦題採藥翁艸堂

唐 溫庭筠

幽人尋藥徑來自曉雲邊
衣濕木花雨語成松嶺煙解
藤開澗戶踏石過谿泉林外
晨光動山昏鳥滿天

夏日

宋 張耒

種藥幽人事還披本草經
出山拋舊翠過雨有新青
術受壺中秘方傳肘後靈
不辭勤服餌為變髮星星

五言排律

春過賀遂負外藥園

唐王維

前年槿籬故新作藥欄成香艸為君子名花是長卿水
穿盤石透藤繫古松生畫畏開厨走來蒙倒屣迎蔗漿
菰米飯藟醬露葵羹頗識灌園意於陵不自輕

七言律

重元寺元達年逾八十好種名藥凡所植者多
至自天台四明包山句曲叢萃紛糅各可指
名余竒而訪之因題二章 唐皮日休

雨蓀煙鋤偃僂齋紺牙紅甲兩三畦藥名却笑桐君少
年紀翻嫌竹祖低白石靜馱蒸未火清泉閒洗種花泥
怪來昨日休持鉢一尺雕胡似掌齊

其二

香蔓蒙籠覆昔邪檜煙杉露濕袈裟石盆換水撈松葉
竹逕遷牀避笋芽藜杖移時挑細藥銅瓶盡日灌幽花
支公謾道憐神駿不及今朝種一麻

和題達上人藥圃

唐
陸龜蒙

藥味多從遠客齋旋添花圃旋成畦三椶舊種根因異
九節初移葉尚低山筴便和幽澗石水芝須帶本池泥
從今直到清秋日又有香苗幾番齊

其二

淨名無語是清羸草藥搜來喻更微一雨一風皆遂性
花開花落盡忘機教疏免縷金絃亂自擁龍芻紫豕肥
莫怪獨親幽圃坐病容消盡欲依歸

分得藥臼謝醫

明沈周

山人治藥斫雲根
枵腹中容海月吞
搗過砂牀剩朱糝
煉餘石髓膩青痕
無銘錯認周王鼓
有竅真移玉女盆
抱疾人來識清杵
數聲遙在杏花邨

五言絕句

藥圃

唐錢起

春畦生百藥
花葉香初霽
好客似風光
偏來入叢蕙

酬濬上人採藥見寄

唐劉商

玉英期共采雲嶺
獨先過應得靈芝也
詩情一倍多

藥園

唐司空曙

春園芳已遍，綠蔓雜紅英。
獨有深山客，時來辨藥名。

房君珊瑚散

唐李商隱

不見嫦娥影，清秋守月輪。
月中閒杵白，桂子擣成塵。

藥圃

唐夏侯子雲

綠葉紅英遍，仙經自討論。
偶移巖伴菊，鋤斷白雲根。

贈華山遊人

唐毛女正美

藥苗不滿筥，又更上危巔。
回首歸去路，相將入翠煙。

洗藥池

元趙孟頫

真人栖隱處洗藥有清池金丹要沐浴玉水自生肥

紫軒

趙孟頫

林君已仙去紫軒名尚存丹光時或現藥鼎夜常溫

香陰

明僧通潤

山中多藥苗往往發香氣不知採藥人曾嗅此香未

七言絕句

絕句

唐杜甫

藥條藥甲潤青青色過棕亭入艸亭苗滿空山慚取譽
根居隙地怯成形

送僧往金州

唐
張籍

聞道漢陰山水好師行一一徧經過事須覓取堪居處
若箇谿頭藥最多

招周處士

張籍

閉門秋雨濕牆莎俗客來稀野思多已掃書堂安藥竈
山人作意早經過

酬孝甫見贈十首各酬本意次用舊韻

錄一

唐
元稹

一自低心翰墨場
箭韋拋盡負書囊
近來兼愛休糧藥
柏葉莎羅雜豆黃

題龍池山人

唐
施肩吾

主人家在龍池側
水中有魚不敢食
終朝采藥供仙厨
却笑桃花少顏色

自遣

唐
陸龜蒙

無多藥圃近南榮
合有新苗次第生
穉子不知名品上
恐隨春艸鬪輸羸

宗人惠四藥

唐鄭谷

宗人忽惠西山藥
四味清新香助茶
爽得心神便騎鶴
何須燒得白朱砂

山邨經行因施藥

宋陸游

逆旅人家近野橋
偶因秣蹇暫逍遙
邨翁不解讀本艸
爭就先生辨藥苗

采藥徑

宋 趙師秀

十載仙家采藥心
春風過了得幽尋
如今縱有相逢處
不是桃花是綠陰

賣藥翁

元 馬臻

山人本在山中住
偶向城中賣藥去
不道石潭龍出雲
失却朝來下山處

訪柱上人

明 徐貴

經院深深久護煙
雨中藥艸午涼天
古香室裏人重到

恰似秋風五日前

御定佩文齋詠物詩選卷三百七十六

欽定四庫全書蒼要卷一萬八千九百九十九

集部

御定佩文齋詠物詩選卷三百七十七

人參類

五言古

人參

宋蘇軾

上黨天下脊遼東真井底玄泉傾海腴白露灑天醴靈
苗此孕毓肩股或具體移根到羅浮越水灌清泚地殊
風雨隔臭味終祖禰青楹綴紫萼圓實墮紅米窮年生

意足黃土手自啟上藥無炮炙齧齧盡根柢開心定魂
魄憂志何足洗糜身輔吾軀既食首重稽

紫團參寄王定國

蘇軾

谿研土門口突兀太行頂豈惟團紫雲實自俯倒景剛
風被艸木真氣入苔頽舊聞人銜芝生此羊腸嶺纖纖
虎豹鬣蹙縮龍蛇癭蠶頭試小嚼龜息變方騁矧予明
真子已造浮玉境清宵月挂戶半夜珠落井灰心寧復
然汗喘久已靜東坡猶故日北藥致遺秉欲持三楹根

往侑九轉鼎為予置齒頰豈不賢酒茗

效孟郊體

宋謝翱

移參窓北地經歲日不至悠悠荒郊雲背植足陰氣新
雨養陳根乃復佐藥餌天涯葵藿心憐爾獨種參

七言律

友人以人參見惠因以詩謝

唐皮日休

神州延年出道家是誰披露記三椹開時的定涵雲液
劖後還應帶石花名士寄來消酒渴野人煎處撇泉華

從今湯劑如相續不用金山焙上茶

和襲美謝友人惠人參

唐
陸龜蒙

五葉初成椴樹陰紫團峰外即雞林名參鬼蓋須難見
材似人形不可尋品第已聞升碧簡携持應合重黃金
慇懃潤取相如肺封禪書成動帝心

七言絕句

送客之潞府

唐
韓翃

官柳青青匹馬嘶迴風暮雨入銅鞮佳期別在春山裏

應是人羨五葉齊

與周爲憲求人參

唐
段成式

少賦令才猶強作衆醫多識不能呼九莖仙艸真難得
五葉靈根許惠無

以人參遺段柯古

唐
周繇

人形上品傳方志我得真英自紫團慚非叔子空持藥
更請伯言審細看

送上黨長

宋
謝翱

春雨人參長紫苗
縣庭無事坐終朝
俯看雲氣千山表
野有新田市有謠

御定佩文齋詠物詩選卷三百七十七

欽定四庫全書薈要卷一萬九千

集部

御定佩文齋詠物詩選卷三百七十八

茯苓類

五言律

路逢襄陽楊少府入城戲呈楊負外綰

唐

杜甫

寄語楊負外山寒少茯苓歸來稍暄暖當爲屬青冥翻
動神仙窟封題鳥獸形兼將老藤杖扶汝醉初醒

七言律

病中宜茯苓寄李諫議

唐
吳融

千年茯苓帶龍鱗
太華峰頭得最珍
金鼎曉煎雲漾粉
玉甌寒貯露含津
南宮已借徵詩客
內署今還託諫臣
飛檄愈風知妙手
也須分藥救漳濱

七言絕句

贈鶴林上人

唐
戴叔倫

日日澗邊尋茯苓
巖扉常掩鳳山青
歸來挂衲高林下

自剪芭蕉寫佛經

送阿龜歸華陽

唐

李商隱

草堂歸意背煙蘿
黃綬垂腰不奈何
因汝華陽求藥物
碧松根下茯苓多

游仙詞

元

張雨

應見霓裳舞廣庭
罷看三十九章經
道人腰著金鴉嘴
自向松根洗茯苓

贈伯清

元

倪瓚

市上休疑張伯清藥無二價制顏齡何當掃雪居幽谷
與我松根採茯苓

御定佩文齋詠物詩選卷三百七十八

欽定四庫全書薈要卷一萬九千一

集部

御定佩文齋詠物詩選卷三百七十九

黃精類

五言古

餌黃精

唐

韋應物

靈藥出西山服食採其根
九蒸換凡骨經著上世言
候火起中夜馨香滿南軒
齋居感衆靈藥術啟妙門
自懷物外心豈與俗士論
終期脫印綬永與天壤存

再賦天池

元張雨

龍竄古墩丘泓潭浸其股金碧爭蕩磨穿穴稍旁午斬
松羅石榻玄芝錯神許遙應玉女盆潤及黃精圃

七言絕句

期王鍊師不至

唐秦系

黃精蒸罷洗瓊杯林下從留石上苔昨日圍碁未終局
已乘白鶴下山來

寄王奉御

唐張籍

愛君紫閣峰前好新作書堂藥竈成見欲移居相近住
有田多與種黃精

黃精鹿

書父宣畫

宋蘇軾

太華西南第幾峰落花流水自重重幽人只採黃精去
不見青山鹿養茸

雪曉懷西清田舍

明楊承鯤

種來黃獨已如拳手劚冰膚煮澗泉酒醒雪晴無一事
竹窓炊火送新煙

御定佩文齋詠物詩選卷三百七十九

欽定四庫全書薈要卷一萬九千二

集部

御定佩文齋詠物詩選卷三百八十

山茱萸類

五言律

奉御札賦茱萸詩

宋

徐鉉

萬物慶西成茱萸獨擅名
房排紅結小香透夾衣
輕宿露霑猶重朝陽照
更明長和菊花酒高宴
奉西清

七言律

奉和御製茱萸

宋 徐鉉

臺畔西風御果新，
芳香精彩麗蕭辰。
柔條細葉粧治好，
紫蒂紅芳點綴勻。
幾朶得陪天上宴，
千株長作洞中春。
今朝聖藻偏流詠，
黃菊無由更敢鄰。

五言絕句

山茱萸

唐 王維

朱實山下開，
清香寒更發。
幸與叢桂花，
牕前向秋月。

茱萸泝

王維

結實紅且綠復如花更開山中倘留客置此芙蓉杯

茱萸泝

唐
裴迪

飄香亂椒桂布葉間檀欒雲日雖回照森沈猶自寒

七言絕句

秋園

唐
司空曙

傷秋不是惜年華別憶春風碧玉家強向衰叢見芳意
茱萸紅實似繁花

御定佩文齋詠物詩選卷三百八十

欽定四庫全書薈要卷一萬九千三集部

御定佩文齋詠物詩選卷三百八十一

檳榔類

五言古

忽見檳榔

北周

庾信

綠房千子熟紫穗百花開莫言行萬里曾經相識來

食檳榔

宋

蘇軾

月照無枝林夜棟立萬礎眇眇雲間扇陰此九月暑上

有垂房子下繞絳刺禦風欺紫鳳卵雨暗蒼龍乳裂包
一墮地還以皮自煮北客初未諳勸食俗難阻中虛畏
泄氣始嚼或半吐吸津得微甘著齒隨亦苦面目太嚴
冷滋味絕媚嫵誅彭勳可策推轂勇宜賈瘴風作堅頑
導利時有補藥儲固可爾果錄詎用許先生失膏粱便
腹委敗鼓日啖過一粒腸胃為所侮蟄雷殷臍腎藜藿
腐亭午書燈看膏盡鉦漏歷歷數老眼怕少睡竟使赤
背弩渴思梅林燕飢念黃獨舉奈何農經中收此困羈

旅牛舌不餉人一斛肯多與乃知見本偏但可酬惡語

初食檳榔

明劉基

檳榔紅白文包以青扶留驛吏勸我食可已瘴癘憂初
驚刺生頰漸若戟在喉紛紛花滿眼岑岑暈蒙頭將疑
誤腊毒復想致無由稍稍熱上面輕汗如珠流清涼徹
肺腑粗穢無纖留信知殷王語瞑眩疾乃瘳三復增永
歎書之遺朋儔

七言絕句

檳榔五絕卒章戲簡及之主簿

宋朱子

暮年藥裹關身切此外儵然百不貪
惹以載來緣下氣檳榔收得爲祛痰

其二

錦文縷切勸加餐
蜃炭扶留共一盤
食罷有時求不得
英雄邂逅亦饑寒

其三

向來試吏著南冠
馬甲蟻山得飫餐
却藉芳辛來解穢
雞心磊落看堆盤

其四

箇中有味要君參
螫吻春喉久不甘
珍重人心亦知此
莫將寒苦換春酣

其五

高士沈迷簿領書
有時紅糝綴玄鬚
定知不著金盤貯
兒女心情本自無

嶺南雜詠

明

汪廣洋

海濱朝夕易炎涼
濕氣蒸人沁薄裳
昨日崖州有船到
滿城爭買白檳榔

御定佩文齋詠物詩選卷三百八十一

欽定四庫全書薈要卷一萬九千四

集部

御定佩文齋詠物詩選卷三百八十二

枳殼類

五言絕句

訪客舟中

明
陳憲章

船中酒多少船尾閣春沙
恰到谿窮處山山枳殼花

七言絕句

商州王中丞留喫枳殼

唐
朱慶餘

方物就中名最遠只應愈疾味偏嘉若教盡喫人人與
采盡商山枳殼花

城西訪友人別墅

唐
雍陶

澧水橋西小路斜日高猶未到君家邨園門巷多相似
處處春風枳殼花

寄襄陽章孝標

雍陶

青油幕下白雲邊日日空山夜夜泉聞說小齋多野意
枳花陰裏麝香眠

題石田翁贈朱守拙小景

明 陳蒙

野藤刺水竹籬斜落盡東風
枳殼花日午不聞茶臼響
春城買藥未還家

御定佩文齋詠物詩選卷三百八十二

欽定四庫全書薈要卷一萬九千五

集部

御定佩文齋詠物詩選卷三百八十三

枸杞類

五言古

井上枸杞架

唐

孟郊

深鎖銀泉甃高葉架雲空不與凡木並自將仙蓋同影
疎千點月聲細萬條風迸子隣溝外飄香客位中花杯
承此飲椿歲小無窮

枸杞

宋蘇軾

神藥不自閻羅生滿山澤日有牛羊憂歲有野火厄越
俗不好事過眼等茨棘青萋春自長絳珠爛莫摘短籬
護新植紫笋生卧節根莖與花實收拾無棄物大將玄
吾髻小則餉我客似聞朱明洞中有千歲質靈虬或夜
吠可見不可索仙人倘許我借杖扶衰疾

七言律

楚州開元寺枸杞臨井繁茂可愛

唐
劉禹錫

僧房藥樹依寒井，井有香泉樹有靈。
翠黛葉生籠石甃，殷紅子熟照銅瓶。
枝繁本是仙人杖，根老新成瑞犬形。
上品功能甘露味，還知一勺可延齡。

枸杞

宋
楊萬里

芥花菘荅餞春忙，夜吠仙苗喜晚嘗。
味抱土膏甘復脆，氣含風露燕猶香。
作齏淡著微施酪，茗茗臨時莫過湯。
却憶荆谿古城上，翠條紅乳摘盈箱。

七言絕句

和郭使君題枸杞

唐
白居易

山陽太守政嚴明，吏靜人安無犬驚。
不知靈藥根成狗，怪得時聞吠夜聲。

御定佩文齋詠物詩選卷三百八十三

欽定四庫全書薈要卷一萬九千六

集部

御定佩文齋詠物詩選卷三百八十四

決明類

五言古

種決明

宋

黃庭堅

后皇富嘉種決明注方術耘耔一席地時至觀茂密縹
葉資芑羹緗花馬蹄實霜叢風雨餘簸簸場功畢枕囊
代曲肱甘寢聽芬苾老眼願力餘讀書真成癖

決明

明
吳寬

黃花隱綠葉雨過仍離披不為杜老歎未是涼風時服
食治目青吾將採掇之不須更買藥園丁是醫師

七言律

次韻濟之謝送決明

明
吳寬

畦間香露正氤氳童子清晨荷鍤勤不惜離披垂翠羽
端愁搖動落黃雲藥名再得宣公註書帶休從鄭老分
病日向來俱有賴涼風吹汝莫紛紛

御定佩文齋詠物詩選卷三百八十四

欽定四庫全書薈要卷一萬九千七

集部

御定佩文齋詠物詩選卷三百八十五

藥名詩類

五言古

藥名

齊

王

融

重臺信嚴敞
陵澤乃閒荒
石蠶終未蠶
垣衣不可裳
秦芎留近詠
楚蘅措遠翔
韓原結神州
隨庭銜夜光

五言律

山家小憩即景效藥名體

宋戴昺

柴門通艸徑茅屋桂枝間
修竹連翹木高松續斷山仰
空青陰密掃石綠花斑
傍澗牽牛飲白頭翁自閒

五言排律

藥名聯句

唐皮日休

爲待防風餅須叅薏苡杯
張賁香燃柏子後樽泛菊花來

皮日休石耳泉能洗垣衣
雨爲裁陸龜蒙從容犀局靜續斷

玉琴哀賁白芷寒猶採青箱
醉尚開日休馬銜衰艸卧烏

啄蠹根迴

龜蒙

雨過蘭芳好霜多桂未摧

賁

朱兒應作粉

雲母詎成灰

日休

藝可屠龍膽家曾近鷺胎

龜蒙

牆高牽薜

荔障軟撼玫瑰

賁

鷓鴣鼠啼書戶蝸牛上硯臺

日休

誰能將

藁本封與玉泉才

龜蒙

五言絕句

藥名詩

元

陳高

丈夫懷遠志兒女苦參商
過海防風浪何當歸故鄉

七言絕句

藥名詩

唐

權德輿

七澤蘭芳千里春
瀟瀟花落石磷磷
有時浪白微風起
坐釣藤陰不見人

答鄱陽客藥名詩

唐

張籍

江臯歲暮相逢地
黃葉霜前半夏枝
子夜吟詩向松桂
心中萬事喜君知

御定佩文齋詠物詩選卷三百八十五

欽定四庫全書薈要卷一萬九千八

集部

御定佩文齋詠物詩選卷三百八十六

雜藥類

五言古

兔絲

齊

謝朓

輕絲既難理細縷竟無織爛熳已萬條連綿復一色安
根不可知縈心終不測所貴能卷舒伊用蓬生直

詠益智

梁

劉孝勝

挺芳銅嶺上擢穎石門端連叢去本葉雜和委雕盤寧
推不迷草詎減聰明九儻逢公子宴方厭永夜歡

種木

唐
柳宗元

守閒事服餌採木東山阿東山幽且阻疲茶煩經過戒
徒劓靈根封植悶天和違爾澗底石徹我庭中莎土膏
滋元液松露墜繁柯南東自成畝繚繞紛相羅晨步佳
色媚夜眠幽氣多離憂苟可怡孰能知其佗爨竹茹芳
葉寧慮瘵與瘡留連樹蕙辭婉婉采薇歌悟拙甘自足

激清愧同波，單豹且理內。高門復如何。

種仙靈毗

柳宗元

窮陋闕自養，癘氣劇囂煩。隆冬乏霜霰，日夕南風溫。杖
藜下庭際，曳踵不及門。門有野田吏，慰我飄零魂。及言
有靈藥，近在湘西原。服之不盈旬，蹙躑皆騰騫。笑忤前
即吏爲我，擢其根。蔚蔚遂充庭，英翹忽已繁。晨起自採
曝，杵臼通夜喧。靈和理內臆，攻疾貴自源。壅覆逃積霧，
伸舒委餘暄。竒功苟可徵，寧復資蘭蓀。我聞畸人術，一

氣中夜存能令深深息呼吸還歸跟踈放固難効且以
藥餌論痿者不忘起窮者寧復言神哉輔吾足幸及兒
女奔

薏苡

宋
蘇軾

伏波飯薏苡禦瘴傳神良能除五谿毒不救讒言傷讒
言風雨過瘴癘久亦亡兩俱不足治但愛艸木長艸木
各有宜珍產駢南荒絳囊懸荔支雪粉剖枕榔不謂蓬
荻姿中有藥與糧舂爲芡珠圓炊作菰米香子美拾橡

栗黃精註空腸今吾獨何者玉粒照座光

地黃

蘇軾

地黃飼老馬可使光鑑人吾聞樂天語喻馬施之身我
衰正伏櫪垂耳氣不振移栽附沃壤蕃茂爭新春沈水
得穉根重湯養陳薪投以東阿清和以北海醇崖蜜助
甘冷山薑發芳辛融爲寒食餠燕作瑞露珍丹田自宿
火渴肺還生津願餉內熱子一洗胸中塵

寄何首烏丸與友人

宋

文同

此艸有奇効嘗聞於習之陵陽亦舊產其地无所宜翠
蔓走巖壁芳叢蔚參差下有根如拳赤白相雄雌劓之
高秋後氣味乃不虧斷以苦竹刀蒸曝凡九為夾羅下
香屑石蜜相和治入白杵萬過盈盤走纍纍日進豈厭
屢初若無所滋漸久覺膚革鮮潤如凝脂既已鬚髮換
白者無一絲耳目固聰明步履欲走馳十年親友別忽
見皆生疑問胡得爾術容貌曾莫衰為之講靈苗不為
世俗知益以多見賤蓬藿同一虧君如聽予服此語不

敢欺勿信柳子厚但誇仙靈毗

天門冬

宋

朱子

高蘿引蔓長插椶垂碧絲西窓夜來雨無人領幽姿

黃連

明

吳寬

花細山桂然階下不堪嗅野人斲其根根長節應九苦
節不可貞服食可資壽其功利于病有客嫌苦口戒余
勿種茲味苦和難受豈不見甘艸百藥無不有

兔絲

明

薛蕙

根株不自立枝蔓為誰飾偶同雜組文未比朱絃直園
客何由整天女詎堪織暫附松柏枝終辭霜露色

七言古

紫參歌

唐
錢起

遠公林下滿青苔春藥偏宜間石開往往幽人尋水見
時時仙蝶隔雲來陰陽雕刻花如鳥對鳳連雞一何小
春風宛轉虎谿旁紫翼紅翹翻霽光貝葉經前無住色
蓮花會裏暫留香蓬山才子憐幽性白雪陽春動新詠

應知仙卉老煙霞莫賞天桃滿蹊徑

薏苡

宋

陸游

初遊唐安飯薏米炊成不減雕胡美大如芡實白如玉
滑欲流匙香滿屋腹腴項鬻不入盤况復飧酪誇甘酸
東歸思之未易得每以問人人不識嗚呼竒材從古棄
草菅君試求之籬落間

五言律

臨洮龍興寺元上人院同詠青木香叢

唐岑參

移根自遠方種得在僧房六月花新吐三春葉已長抽
莖高錫杖引影到繩牀只爲能除疾傾心向藥王

灼艾

宋范成大

血忌詳涓日尻神謹避方艾求真伏道穴按古明堂謝
去羣巫祝勝如幾藥湯起來成獨笑一事攬千忙

五言排律

謝李吏部贈訶梨勒葉

唐包佶

一葉生西徼齋來海上查歲時經水府根本別天涯方
士真難見商胡輒自誇比香同異域看色勝仙家茗飲
暫調氣梧丸喜伐邪幸蒙祛老疾深願駐韶華

七言律

次韻袁公濟謝芎椒

宋蘇軾

燥吻時時著酒濡要令卧疾致文殊河魚潰腹空號楚
汗水流骹始信吳自笑方求三歲艾不如長作獨眠夫
羨君清瘦真仙骨更助飄飄鶴背軀

五言絕句

曲水寺枳實

唐
劉商

枳實繞僧房
攀枝置藥囊
洞庭山上橘
霜落也應黃

七言絕句

香附子

唐
顧况

越人翠被今何寂
獨立江邊莎艸碧
紫燕西飛欲寄書
白雲何處逢來客

與梧州劉中丞

唐
李涉

三代盧龍將相家五分符竹到天涯瘴山江上重相見
醉裏同看豈寇花

答開州韋使君寄車前子

唐張籍

開州午日車前子作藥人皆道有神慚愧使君憐病眼
二千里外寄閒人

勸飲酒

唐張祜

燒得硫黃漫學仙未勝長付酒家錢實常不喫齊推藥
却在人間八十年

贈丘先生

唐賈島

常言喫藥全勝飯華嶽松邊采茯苓不遣髭鬚一莖白
擬為白日上昇人

睡起聞米元章冒熱到東園送麥門冬飲子

宋蘇軾

一枕清風直萬錢無人肯買北窗眠
開心煖胃門冬飲知是東坡手自煎

貝母

宋張載

貝母階前蔓百尋
雙桐盤繞葉森森
剛強顧我蹉跎甚
時欲低柔警寸心

晚春田園雜興

宋

范成大

新綠園林曉氣涼
晨炊早出看移秧
百花飄盡桑麻小
夾路風來阿魏香

次韻春日漫興

明

高啟


菖蒲葉老芷花新
地暖鴛鴦護水紋
不上高樓無遠恨
江南春盡艸如雲

聞芷

明
僧德祥

白芷花開繞屋香
一時秋思入江鄉
雲多水闊人難見
楚竹歌聲動夕陽

御定佩文齋詠物詩選卷三百八十六



總校官庶吉士臣侍

朝

校對官檢討臣

王坦修

謄錄監生臣

秦長馨

謄錄監生臣

潘承煒

欽定四庫全書薈要

集部

御定詠物詩選卷三百

八十七至
九十六

欽定四庫全書薈要卷一萬九千九

集部

御定佩文齋詠物詩選卷三百八十七

蘆葦類 附蒹葭 詩

五言古

和子由記園中草木

宋

蘇軾

蘆筍初似竹稍開葉如蒲方春節抱甲漸老根生鬚不
愛當夏綠愛此及秋枯黃葉倒風雨白花搖江湖江湖
不可到移植苦勤劬安得雙野鴨飛來成畫圖

舟中雜詠

元袁楠

白葦生寒沙殘花搖散帚燕都百萬家借爾作薪槓物
微生最下功用迺堪取大勝桃李花矜矜鬪妍醜

蘆

明吳寬

江湖渺無際彌望皆高蘆蘆本水濱物久疑平陸無移
根偶種植溝淺土不污縱橫忽徧地葉捲多葭草白花
可為絮長榦須人扶每當風雨夕蕭蕭亦江湖宛如扁
舟過榜人共歌呼浩然發歸興豈為思尊鱸

長短句

蘆花動

唐
耿漳

連素穗翻秋氣
細節踈莖任長吹
共作月中聲
孤舟發
鄉思

五言律

種葦

唐
姚合

欲種數莖葦
出門來往頻
近陂收本土
選地問幽人
靜看唯思長
初移未覺勻
坐中尋竹客
將去更逡巡

使院栽葦

唐薛能

憂憂復差差一叢千萬枝
格如僧住處栽得吏閒時
笋自廳中出根從府外移
從軍無宿例空想夜風吹

顧少府池亭葦

唐曹松

池上分行種公庭覺少塵
根離潮水岸韻爽判曹人
正午迴魚影方昏息鷺身
無時不動詠滄島思方頻

叢葦

唐張蠊

叢叢寒水邊曾折打魚船
忽與亭臺近翻嫌島嶼偏
花

明無月夜聲急正秋天遙憶巴陵渡殘陽一望煙

同兒曹賦蘆葦

金吳激

天接蒼蒼渚江涵裊裊花秋聲風似雨夜色月如沙澤
國幾千里漁邨三兩家翻思杏園路鞭裊帽檐斜

五言排律

蘆葦

唐王貞白

高士想江湖閒庭徧植蘆清風時有至綠竹興何殊嫩
喜日光薄踈憂雨點麤驚蛙跳得過鬪雀裊如無未織

巴籬護樂擡，
卍竹扶惹煙。
輕弱柳蘸水，
漱清蒲漑灌。
情偏重琴樽，
賞不孤穿花。
思釣叟吹葉，
少羌雛寒色。
暮天映秋聲，
遠籟俱朗吟。
應有趣瀟灑，
十餘株。

庭葦

唐李中

品格清於竹，
詩家景最幽。
從裁向池沼，
長似在汀洲。
玩好招谿叟，
棲堪待野鷗。
影踈當夕照，
花亂正深秋。
韻細堪清耳，
根牢好繫舟。
故谿高岸上，
冷淡有誰遊。

七言律

蘆花

唐
羅鄴

如練如霜乾復輕
西風處處拂江城
長垂釣叟看不足
暫泊王孫愁亦生
好傍翠樓裝月色
枉隨紅葉舞秋聲
最宜羣鷺斜陽裏
閒捕纖鱗傍爾行

蘆檻

宋
朱松

手斲修蘆著檻栽
使君公退幾徘徊
回想當風雨翻叢急
疑卷江湖入座來
未辦松窓眠綠浦
且將屐齒印蒼苔
種成桃李人間滿
應念孤根首重回

蘆花

明徐爌

江畔洲前白渺茫
蕭蕭撼撼闖秋光
輕風亂播漫天雪
斜月微添隔岸霜
半夜雁羣清避影
數聲漁笛澹吹香
瓊枝玉樹分明見
愁絕懷人水一方

五言絕句

江行

唐錢起

風晚冷颼颼
蘆花已白頭
舊來紅葉寺
堪憶玉京秋

西蘆詞

明袁袁

秋鴈集復飛寒潮明更減日暮風起時蘆子花如雪

七言絕句

谿岸秋思

唐
杜荀鶴

桑柘窮頭三四家挂罾垂釣是生涯秋風忽起谿浪白
零落岸邊蘆荻花

晚春田園雜興

宋
范成大

湖蓮舊蕩藕新翻小小荷錢沒漲痕斟酌梅天風浪緊
更從水外種蘆根

已至湖尾望見西山

宋 楊萬里

蘆荻中間一港深，萋萋如柱不成簷。
正愁半日無邨落，遠有人家在樹林。

江邨晚眺

宋 戴復古

江頭落日照平沙，潮退漁舸閣岸斜。
白鳥一雙臨水立，見人驚起入蘆花。

楊邨

元 馬祖常

霜明野水曉粼粼，蘆葉黃時少白蘋。
船上忽聞吳客子，

牽衣雙手拂征塵

洪厓橋

元

虞集

澄江如練碧悠悠
一色蘆花覆遠洲
無盡春天歸鴈急
月明寒影不曾留

余與觀志能俱以公事赴北舟至梁山泊時荷
花盛開風雨大至舟不相接遂泊蘆葦中余
折蘆一葉題詩其上寄志能

元

薩都拉

題詩蘆葉雨斑斑底事詩人不奈閒
滿浦荷花開欲遍
客程五月過梁山

題畫雜詩

元馬臻

岸水依痕釣艇閒
炊煙幾處出蘆灣
西窓正是斜陽好
一帶泥金抹遠山

晚眺

明趙迪

白雲深處野人家
倚杖閒吟日未斜
江上數峰看欲盡
晚鐘殘月入蘆花

舟中暮歸

明張泰

斷柳殘沙不掩隄，葦叢幽稱水禽栖。
半江斜照將秋色，相送歸船到竹谿。

潤州舟行作

明湯珍

河洲春茁紫蘆芽，綠水清暉弄客槎。
十日南風吹未息，殘梅猶發短牆花。

附蒹葭

五言律

蒹葭

唐

杜甫

摧折不自守，秋風吹若何。
暫時花帶雪，幾處葉沈波。
體弱春苗早，叢長夜露多。
江湖後搖落，只恐歲蹉跎。

七言絕句

旅懷

唐

杜荀鶴

蒹葭月冷時，聞鴈楊柳風。
和日聽鶯水，涉山行二年客。
就中偏怕雨船聲。

送友人

唐

薛濤

水國蒹葭夜有霜
月寒山色共蒼蒼
誰言千里自今夕
離夢杳如闕塞長

滇中詞

明范汭

秀海海邊葭秋滇池池上雲悠悠
人心恰似此中水一道南流一北流

附葑

七言絕句

葑田

宋林逋

淤泥肥黑稻秧青
閣蓋深流旋旋生
擬倩湖君書版籍
水仙今佃老農耕

洪州歌

元柳貫

東湖水滿蔚雲開
掠取煙光雨色來
未放官絲興畚鍤
且從魚樂占池臺

御定佩文齋詠物詩選卷三百八十七

欽定四庫全書薈要卷一萬九千十

集部

御定佩文齋詠物詩選卷三百八十八

荻花類

五言古

賦得春荻

梁元帝

翠莢玉池前遙映江南蓮非秋無有眊未燒不生煙

五言律

送荻栽與秀才朱觀

宋徐鉉

羨子清吟處茅齋面碧流解憎蓮艷俗唯欠荻花幽鷺
立低枝晚風驚折葉秋贈君須種取不必樹忘憂

五言絕句

答李濟

唐
韋應物

馬卿猶有辟漁父自無家想子今何處扁舟隱荻花

七言絕句

荻浦

宋
蘇軾

雨折霜乾不耐秋白花黃葉使人愁月明小艇湖邊宿

便是江南鸚鵡洲

豫章江臯

宋 楊萬里

只今秋稼滿江郊，猶記春船掠屋茅。
可是北風寒入骨，荻花爭作向南梢。

拜郊臺晚渡

元 朱德潤

風颺松花落澗濱，荻芽洲渚水鱗鱗。
莫教行到崇臺上，忘却山前喚渡人。

題小景

明 劉基

江頭日日起西風
江樹驚寒葉變紅
天澹雲低何處雁
一行飛下荻花中

過潯陽

明袁凱

夜泊潯陽江上沙
扁舟何處載琵琶
西風不管水流去
依舊滿汀開荻花

田家即事

明唐時升

江邨女兒喜行舟
江上人家吉貝秋
綠岸荻花三四里
石橋南去見城頭

Handwritten text in a vertical column on the left side of the page, possibly a page number or title.

御定佩文齋詠物詩選卷三百八十八

欽定四庫全書薈要卷一萬九千十一

集部

御定佩文齋詠物詩選卷三百八十九

行花類

附洪

七言絕句

胥門間泛

唐皮日休

青翰虛徐夏思清
愁煙漠漠荇花平
醉來欲把田田葉
盡畧當時醒酒鯖

次余仲庸松風閣韻

宋 表萬頃

已著遺經洗此心更尋流水濯吾襟
經旬不涉谿邊路
行帶苔錢如許深

水荇

明 彭紹賢

泉分石竇瀉珠光坐挹磯邊水荇香
何處歌聲最幽窈
臨流那復羨滄浪

附英

七言絕句

經舊遊

唐 張祜

去年來送行人處依舊蟲聲古岸南斜日照谿雲影斷
水蒨花穗倒空潭

湖上暮歸

明史鑑

鴨羣呼去水雲空香滴蒨花露氣濃僧寺茫茫看不見
暮煙生處忽聞鐘

御定佩文齋詠物詩選卷三百八十九

欽定四庫全書薈要卷一萬九千十二集部

御定佩文齋詠物詩選卷三百九十

蓼花類

五言古

蓼灘

明袁凱

行迤近橫塘坡陀間幽渚輕穗含夕霏業條偃秋雨縱
橫覆魚隊閒寂來鷗侶杖策時一臨逍遙更延佇

五言律

蓼花

唐鄭谷

簇簇復悠悠，年年拂漫流。
差池伴黃菊，冷澹過清秋。
晚帶鳴蟲急，寒藏宿鷺愁。
故谿歸不得，憑仗繫漁舟。

五言絕句

江行

唐錢起

山雨夜來漲，喜魚跳滿江。
岸沙平欲盡，垂蓼入船窓。

其二

沙上獨行時，吟情到楚詞。
難將垂岸蓼，盈把當江蘼。

蓼花

宋 王十朋

秋色在何許
蓼花垂淺紅
客情禁不得
歸興逐西風

七言絕句

寄周暉

唐 于鵠

家在荒陂長似秋
蓼花片葉水蟲幽
去年相伴尋山客
明月今宵何處遊

竹枝詞

唐 白居易

巴東船舫上巴西
波面風生雨脚齊
水蓼冷花紅簇簇

江籬濕葉碧萋萋

山行

唐
李郢

小田微雨稻苗香
田畔清谿滴滴涼
自憶東吳榜舟日
蓼花溝水半篙強

寓居

唐
司空圖

不放殘年却到家
銜杯懶更問生涯
河隄往往人相送
一曲晴川隔蓼花

蓼嶼

宋
蘇軾

秋歸南浦蟪蛄鳴
霜落橫湖沙水清
卧雨幽花無限思
抱叢寒蝶不勝情

出城途中小憩

宋 楊萬里

未到江城已日斜
山煙白處是人家
秋風畢竟無多巧
只把燕支滴蓼花

蓼花

宋 劉克莊

分紅間白汀洲晚
拜雨揖風江漢秋
看誰耐得清霜去
却恐蘆花先白頭

舟中

宋 劉宰

蓼岸著花紅半吐
稻畦過雨綠平鋪
炊煙起處三家市
却向江湖憶畫圖

蓼花

宋 宋伯仁

秋到梧桐我未宜
蓼花何事已先知
朝來數點西風雨
喜見深紅四五枝

江邨

元 黃庚

極目江天一望賒
寒煙漠漠日西斜
十分秋色無人管

半屬蘆花半蓼花

沙湖晚歸

元 朱德潤

山野低徊落雁斜
炊煙茅屋起平沙
櫓聲歸去浪痕淺
搖動一灘紅蓼花

題石田小景

明 陳 頤

齊女門北古塘斜
岸葦無窮雜蓼花
此地往來應慣熟
借書常到鄰侯家

秋日寫巨然筆意與若休

明 李日華

山光沈綠樹酣黃九月江南欲試霜
獨坐灘頭不垂釣
蓼花風急送漁榔

御定佩文齋詠物詩選卷三百九十

欽定四庫全書薈要卷一萬九千十三

集部

御定佩文齋詠物詩選卷三百九十一

蘋花類

五言律

秋日汎舟賦蘋花

宋

徐鉉

素艷擁行舟清香覆碧流
遠煙分的的輕浪汎悠悠
雨歇平湖滿風涼運瀆秋
今朝流詠處即是白蘋洲

五言絕句

永嘉贈別

唐陳陶

芳草溫陽客歸心
浙水西臨風青桂
檝幾日白蘋谿

秋水觀

元虞集

湖深山影碧天淨
月光空幸自無波
浪蘋花謾晚風

秋江晚渡

明錢宰

落日歸棹緩滄江
秋思加雙鱗上荷
葉一鴈下蘋花

七言絕句

酬曹侍御過象縣見寄

唐柳宗元

破額山前碧玉流，騷人遙駐木蘭舟。
春風無限瀟湘意，欲採蘋花不自由。

吳興秋思

唐陳陶

不是苕溪厭看月，天涯有程雲樹涼。
何意汀洲賸風雨，白蘋今日似瀟湘。

題曹雲西畫

元倪瓚

吳松江水碧于藍，怪石喬柯在渚南。
鼓校長吟採蘋去，新晴風日更清酣。

懷友次陳石泉韻

明 偶 桓

楓林葉赤露華濃
來往晴沙一徑通
遙望美人秋水隔
蘋花吹老楚江風

宿澧陽

明 郭 武

蘋花風急水茫茫
今夜孤舟宿澧陽
誰在江城吹畫角
五更殘月一天霜

寄陳叔莊

明 周 鼎

郭外何須二頃田
江湖春水綠如煙
扁舟蕩漾不歸去

日暮蘋花風滿川

御定佩文齋詠物詩選卷三百九十一

欽定四庫全書薈要卷一萬九千十四集部

御定佩文齋詠物詩選卷三百九十二

苔蘚類

五言古

詠青苔

梁沈約

緣堦已漠漠，汎水復綿綿。
微根如欲斷，輕絲似更聯。
長風隱細草，深堂沒綺錢。
縈鬱無人贈，歲蕤徒可憐。

新苔

梁庾肩吾

隨潮染岸石逐沫聚浮查徒令阿谷麗停筐不汰沙

萑苔

唐姚合

茅堂階豈高數寸是苔蘚只恐秋雨中窓戶亦不濺眼
前無此物我情何由遣

讀書圖

明張羽

幽棲出塵表修翠連松竹袖得碧苔篇閒來石上讀日
暝欲忘還山空人轉獨

七言古

苔歌

唐顧雲

檻前谿奪秋空色百丈潭心數砂礫松筠條條長碧苔
苔色碧於秋水碧波迴梳開孔雀尾根細貼著盤陀石
撥浪輕拈出少時一髻濃煙三四尺山光日華亂相射
靜縷藍鬢勻髮積試把臨流抖擻看瑠璃珠子淚雙滴
如看玉女洗頭處解破雲鬟收未得即是仙宮欲製六
銖衣染絲未倩鮫人織採之不敢盈筐篋苦把龍神河
伯惜瓊蘇玉鹽爛熳煮燕入丹田續靈液會待成功插

翅飛蓬萊頂上尋仙客

五言律

同舍弟佶班韋二負外對秋苔成詠

唐包何

每看苔蘚色如向簿書閒幽思纏芳樹高情寄遠山
雨痕連地綠日色出林斑却笑興公賦臨危滑石間

苔

唐李咸用

幾年風雨跡疊在石屨顏生處景長靜看來情儘閒吟

亭侵壞壁藥院掩空關每憶東行徑移筇獨自還

七言律

苔

唐徐夔

印留麋鹿野禽蹤巖壑漁磯幾處逢金谷曉凝花影重
章華春暎柳陰濃石橋羽客遺前迹陳閣才人沒舊容
歸去掃除階砌下蘚痕殘綠一重重

苔

明朱謀晉

布葉如錢箇箇青不爭要路占閒庭風前印鶴移正步

雨後留螭作篆形
生閣久縈詞客恨
入碑多蝕古人銘
紅英墮地交相映
小屐蹉然未忍停

五言絕句

書事

唐王維

輕陰閣小雨
深院晝慵開
坐看蒼苔色
欲上人衣來

石上苔

唐錢起

淨與谿色連
幽宜松雨滴
誰知古石上
不染世人跡

竹裏暎

唐司空曙

幽徑行跡稀清陰苔色古蕭蕭風欲來乍似蓬山雨

借居

唐司空圖

借住郊園久仍逢夏景新綠苔行履穩黃鳥傍窓頻

偶成

元錢惟善

苔花洗春雨藉此聽潺湲終日無客至滿樓都是山

堦前苔

明高啟

莫掃雨餘綠任滿閒堦路留藉落來花春泥免相污

七言絕句

石上苔

唐白居易

漠漠斑斑石上苔，幽芳靜綠絕纖埃。
路傍凡草榮遭遇，曾得七香車輾來。

苔錢

唐鄭谷

春紅秋紫繞池臺，箇箇圓如濟世財。
雨後無端滿窮巷，買花不得買愁來。

春苔

唐李中

春霖催得鎖煙濃，竹院莎齋逕小通。
誰愛落花風味處，

莫愁門巷襯殘紅

殘春

宋 葛長庚

昨日春光更水涯
水涯今日已春賒
春歸只道無蹤跡
尚有青苔一片花

道過贊善巷

元 薩都拉

夕陽欲下少行人
綠遍苔茵路不分
修竹萬竿松影亂
山風吹作滿窓雲

題畫

元 陳旅

青紅樓觀護煙霞湖曲高亭竹徑斜日出炎埃生九野
松陰水石養苔花

埽逕

元周權

剝啄無人晝掩門庭花春晚雪紛紛山童不解山翁意
埽破蒼苔一逕雲

山居吟

元僧清珙

一片無塵新雨地半邊有蘚古時松目前景物人皆見
取用誰知各不同

廢寺

明
張羽

白晝閒門一兩僧
山房深掩蘚花青
西風不管鐘魚破
自在斜陽與塔鈴

山居雜詠

明
吳鼎芳

苔花滿徑綠雲涼
嫩竹離離覆短牆
院靜晝長人不到
一簾風裊一爐香

御定佩文齋詠物詩選卷三百九十二

欽定四庫全書薈要卷一萬九千十五

集部

御定佩文齋詠物詩選卷三百九十三

萍類

五言古

詠萍

齊

劉繪

可憐池內萍氛氳紫復青巧隨浪開合能逐水低平微
根無所綴細葉詎須莖漂泊終難測留連如有情

賦得池萍

梁

庾肩吾

風翻乍青紫浪起時疎密本欲歎無根還驚能有實

浮萍

北魏 馮元興

有艸生碧池無根綠水上脫弱惡風波危微苦驚浪

萍間穉荷效王司馬體

宋 謝翱

初萍半含絮頃刻開數畝荷生浮其間風雨足解后百年遊子心欲作千歲久昔為浮萍根今為穉荷藕荷莖刺已生魚遊觸其首離離荷下萍吹向白魚口

賦得萍贈陳久中

明 楊基

浮蹤散寒星一夕生無數魚跳翠乍開漚過青還聚微
風和影去急雨連根露惆悵別君時楊花滿衣絮

萍

明
薛蕙

參差如霰布的皦似星出魚戲影初開鳥散文仍密幸
因雲雨會且免風波失無裨江海流徒謝芳菲質

五言律

萍

唐
李嶠

二月虹初見三春蟻正浮青蘋含吹轉紫蒂帶波流屢

逐明神薦常隨旅客遊既能甜似蜜還遠楚王舟

萍

宋

李觀

盡日看流萍誰原造化情可憐無用物偏解及時生
泥萍根萌淺風波性質輕晚來堆岸曲猶得護蛙鳴

七言律

覽柳惲汀洲採白蘋之什因成

唐

徐黃

採盡汀蘋恨別離鴛鴦鷺鷥總雙飛月明南浦夢初斷

花落洞庭人未歸
天遠有書隨驛使
夜長無燭照寒機
年來泣淚知多少
重疊成痕在繡衣

萍

徐黃

為實隨流瑞色新
泛風縈草護遊鱗
密行碧水澄涵月
澀帶輕橈去採蘋
比物何名腰下劍
無根堪並鏡中身
平湖春渚知何限
撥破閒投獨蠶綸

絮化萍

元謝宗可

點綴離人恨已多
水流雲散為消磨
半篙晴浪星無數

兩岸東風雪幾何，脫白定知沾化雨。
取青應是謝恩波。
蒲池好護蒼天影，休逐東歸繞汴河。

萍菴

明杜瓊

閒把浮萍號葉舟，百年身世總如浮。
若為有跡成栖泊，可是無根任去留。
楊柳晚風移別浦，桃花春水泛中流。
楚謠驚斷江湖夢，隨處忘機逐海鷗。

詠萍

明關名

錦鱗密砌不容針，只為根兒做不深。
曾與白雲爭水面。

豈容明月下波心
幾番浪打應難滅
數陣風吹不復沈
多少魚龍藏在底
漁翁無處下釣尋

五言絕句

萍

元
宋
无

風波長不定
浪跡在天涯
莫怨身輕薄
前生是柳花

七言絕句

浮萍

唐
陸龜蒙

曉來風約半池明
重疊侵沙綠
罽成不用臨池重
相笑

最無根蒂是浮名

浮萍

唐皮日休

嫩似金脂颺似煙多情渾欲擁紅蓮
明朝擬附南風信寄與湘妃作翠鈿

宮詞

明朱權

小立東風半掩門楊花撲面也
親人妾心已作沾泥絮不化浮萍到水濱

萍

明鐫師邵

乍因輕浪壘晴沙又趁迴風擁釣槎莫怪狂蹤易漂泊
前身不合是楊花

御定佩文齋詠物詩選卷三百九十三